

HYDRO ENERGI AS

0240 OSLO

Vår dato: 26.11.2024

Vår ref.: 200900615-109 Oppgi ved kontakt

Dykkar ref.:

NVE gjev samtykke til ekspropriasjon for Illvatn pumpekraftverk

NVE viser til søknad av 12.01.2024, der Hydro Energi AS søker om løyve til ekspropriasjon i forbindelse med bygging og drift av Illvatn pumpekraftverk i Luster kommune.

NVE har, etter ei samla vurdering, funne at samfunnsmessige fordelar ved bygging av Illvatn pumpekraftverk, utan tvil er større enn skader og ulemper som vert påført andre. For nærare grunngjeving for vedtaket viser vi til vedlagte notat: *Bakgrunn for vedtak*.

Med heimel i lov om oreigning av fast eigedom av 23.10.1959, § 2 nr. 51 (vasskraftproduksjon), og myndigheit gjeve ved kgl. res. 05.11.1982, gjev NVE med dette Hydro Energi AS løyve til å krevje avstått i Luster kommune i Vestland fylke nødvendig grunn og rettar for å byggje og drifte Illvatn pumpekraftverk.

Løyvet gjev rett til ekspropriasjon av eigendomsrett for følgande areal:

- På gbnr. 215/1, areal til lukehus ved Illvatn, påhugg til tverrslag, midlertidig veg frå påhugget til deponi ved tverrslaget, deponi ved tverrslaget, og svingesjakt.
- På gnr. 2, bnr. 1 og 2 og gnr. 4, bnr. 1,2,3,4,5,6 og 7, areal til ny permanent veg frå tidlegare steinuttak til påhugget ved Fivlemyr.
- I Nørstedalen Sameige, areal til kraftstasjonen ved Fivlemyr, inntak- og utslippskonstruksjon i magasin Fivlemyr med tilhøyrande tilkomst, og utviding av deponi Fivlemyr.
- I Nørstedalen Sameige, eigendommen Baklie, og gnr. 2, bnr. 1 og 2, areal til oppgradering og utviding av eksisterande anleggsvei frå FV 5638 ved Sveinsøystølen til Fivlemyr og Nørstedalsseter.

Plassering av inngrepa skal i det vesentlege vere som beskrive i vedlagte notat *Bakgrunn for vedtak*, eller slik det er gjeve konsesjon til ved kgl.res. av 24.04.2020.

NVE føreset at Hydro forsøker å kome fram til minnelege ordningar med grunneigarar/rettshavarar som vert råka. Det er ein føresetnad at de gjev melding til grunneigarane/rettshavarane om oreigningsløyvet, jf. forvaltningslova kap. V.

Vi ber om at Hydro sender kopi av dette løyvet til grunneigarar og rettshavarar som vert råka. Ei stadfesting av at orienteringa er sendt og dato for oversendinga skal sendast til NVE.



Denne avgjerda kan klagast på, sjå vedlegg om klagetilgang. Eventuelle klager vil bli sendt dykk til uttale før saka vert lagt fram for Energidepartementet.

Ekspropriasjonsløyvet fell vekk dersom det ikkje er sett fram krav om skjøn innan eitt år frå endeleg vedtak, jf. Oreigningslova § 16.

Med helsing

Carsten Stig Jensen
konsesjonsansvarleg

Brit Torill Haugen
fungerande seksjonsleiar

Dokumentet sendes uten underskrift. Det er godkjent i henhold til interne rutiner

Godkjent av Brit Torill Haugen
Seniorrådgiver

Rune Flatby
Spesialrådgiver

Godkjent etter NVE sine interne rutinar.

Mottakarliste:

HYDRO ENERGI AS

Kopimottakarliste:

HYDRO ENERGI AS - Stein Øvstebø

STATNETT SF

LUSTER KOMMUNE

FJELLSTYRET FOR LUSTER AUSTRE STATSALLMENNING

STATSFORVALTAREN I VESTLAND

VESTLAND FYLKESKOMMUNE

VESTLAND FYLKESKOMMUNE - Merete Farstad

Breheimen Nasjonalparkstyre



Orientering om rett til å klage

Frist for å klage	Fristen for å klage på vedtaket er 3 veker frå den dagen vedtaket kom fram til deg. Dersom vedtaket ikkje har kome fram til deg, startar fristen å gå frå den dagen du fekk eller burde ha fått kjennskap til vedtaket. Det er tilstrekkeleg at du postlegg klagen før fristen går ut. Klagen kan ikkje handsamast dersom det har gått meir enn 1 år sidan NVE fatta vedtaket.
Du kan få grunngjeving for vedtaket	Dersom du har fått eit vedtak utan grunngjeving, kan du be NVE om å få ei grunngjeving. Du må be om grunngjevinga før klagefristen går ut.
Kva skal med i klagen?	Klagen bør vere skriftleg. I klagen må du: • Skrive kva for vedtak du klagar på. • Skrive kva for eit resultat du ønsker. • Opplyse om du klagar innanfor fristen. • Underteikne klagen. Dersom du brukar ein fullmektig, kan fullmektigen underteikne klagen. I tillegg bør du grunngje klagen. Dette betyr at du bør forklare kvifor du meiner vedtaket er feil.
Du kan få sjå dokumenta i saka	Du har rett til å sjå dokumenta i saka, med mindre dokumenta er unnateke offentlegheit. Du kan ta kontakt med NVE for å få innsyn i saka.
Vilkår for å gå til domstolane	Dersom du meiner vedtaket er ugyldig, kan du gå til søksmål. Du kan berre gå til søksmål dersom du har klagt på vedtaket til NVE, og klagen er avgjort av Energidepartementet (ED) som overordna forvaltingsmyndigheit. Du kan likevel gå til søksmål dersom det har gått 6 månader sidan du sende klagen, og det ikkje skuldast forsøming frå di side at klagen ikkje er avgjort.
Sakskostnader	Dersom NVE eller ED endrar vedtaket til din fordel, kan du søke om å få dekkja vesentlege og nødvendige kostnader. Du må søke om dette innan 3 veker etter at klagevedtaket kom fram til deg.
Kven kan klage på vedtaket?	Dersom du er part i saka, kan du klage på vedtaket. Du kan også klage på vedtaket dersom du har rettsleg klageinteresse i saka.
Kvar skal du sende klagen?	Du må adressere klagen til ED, men sende han til NVE. E-postadressa til NVE er: nve@nve.no . NVE vurderer om vedtaket skal endrast. Dersom NVE ikkje endrar vedtaket vil vi sende klagen til ED.

Denne forklaringa bygger på forvaltningslova sine reglar i §§ 11, 18, 19, 24, 27 b, 28, 29, 31, 32 og 36.